

[Augsburg], 25. Juni 1556

An Johannes Oporinus

UB Basel, Fr. Gr. II 14, Nr. 142.
Steinmann Nr. 687.

S. P. D. Xysti Betuleij vidua me rogauit, vt ex te cognoscerem quid de commentarijs in Lactantium et alijs duobus opusculis, quae longo iam tempore penes te sint, statueris. Editionem enim sibi et pupillis aliquid commodaturam sperat. quae si tibi cordi non sit, petit, vt exemplaria ad se remittas, vt de alio typographo prospicere sibi possit. Quare te oro vt me certiorem reddas de voluntate tua. Scripsi mense Maio ad te per Petrum Letzkopfium et ad Henricum Petri quoque, sed vereor ne ob mutuum negatum iratus neutras reddiderit literas. Quod ideo tantum significo, ne me tuo more superbiae aut negligentiae accuses, et tua crimina in me transferas. Nam quod ad te scriberem seriae rei tum nihil erat. Vale. 25 Iunij Anno 1556.

Hiero[nymus] Wolfius
Tuus.